

trunca & interrupta sint, ut *aquila noctua sit similior, quam bac præceptis à prudente & intelligente magistro profectis.* Quinto, quod ex libris diversarum sectarum non potuerint non *varie antinomia* in his Centonibus remanere. Sexto, quod non *puros JC-torum fontes exhibeat, sed de suo sæpius non tantum duo aut tria verba, sed integros sæpe versus & paginas immiscuerit.* Septimo, quod *multas tautologias & superflua adiecerit, & antiquatas obsoletasque materias pro utilibus venditaverit.*

Cap. 13 - 15. proferuntur *eventus varii ex Justiniana compilatione accidentes: nempe quod Imperatores sequentes ex ea abolerint, mutaverint, quicquid placuerit; quod Italia à gentibus septentrionalibus occupata earum leges & statuta receperit, usque dum Irnerius studium Juris Justiniani revocaret, non veritus ei manum inferre, ubicunque commodum videretur.* Ex hac vero Juris Justiniani sive privata, sive publica in scholas receptione factum esse, (1) quod jussu publico *Gratianus Decretum* compilaverit, cui dein *Decretales* additæ, totumque *Juris Canonici* corpus compilatum sit: cumque studium librorum Justiniani magnos interea progressus sensisset, Pontifices ex sua quoque parte

non